

Dumonda da la fracziun dal Center concernent las consequenzas da l'imposiziun da taglia individuala per l'administraziun (emprim sutsegnader Brunold)

Ils 8 da mars 2026 han las votantas ed ils votants da la Svizra decidì d'introducìr l'imposiziun da taglia individuala sin plaun naziunal e chantunal. Per realisar questa midada fundamentala dal sistem ston ils chantuns far adattaziuns cumplessivas en lur legislaziun da taglia sco er en numerus ulteriurs relaschs. Per il chantun Grischun munta quai ina lavur legislativa ed administrativa considerabla.

Sut quest aspect èsi inditgà da sclerir a temp las consequenzas per l'administraziun, las finanzas ed ils champs d'incumbensas cunfinants, quai per garantir ina planisaziun realistica da la realisaziun.

Las sutsegnadras ed ils sutsegnaders supplitgeschan la Regenza da responder las suandantas dumondas:

1. Cun tge entradas pli bassas u pli autas per il chantun e per las vischnancas ston ins far quint a chaschun da l'introducziun da l'imposiziun da taglia individuala (supponind che sin plaun chantunal na vegnian fatgas naginas ulteriuras midadas che quellas ch'èn prescrittas da la Confederaziun)?
2. Sto il chantun engaschar persunal supplementar – per l'ina per realisar l'imposiziun da taglia individuala e per l'autra per la taxaziun e per l'incasement da taglia en il futur? Sche gea, en tge dimensiun?
3. Cun tge custs supplementars unics e currents ston ils chantuns e las vischnancas far quint per la realisaziun da l'imposiziun da taglia individuala?
4. Tge ulteriuras leschas chantunals ston vegnir adattadas en il rom da l'introducziun da l'imposiziun da taglia individuala?
5. Tge ulteriurs uffizis ed instituts chantunals (p.ex. Uffizi social, IAS e.u.v.) èn er pertutgads da l'introducziun da l'imposiziun da taglia individuala e cun quanta lavur supplementara resp. cun quants custs supplementars ston els far quint?

Cuira, ils 23 d'avrigl 2026

Brunold, Maissen, Bettinaglio, Berther, Binkert, Caluori, Collenberg, Danuser (Cazas), Derungs (Lumbrein), Epp, Furger, Gansner, Haltiner, Kohler, Lamprecht, Loepfe, Mani, Messmer-Blumer, Michael (Donat), Orlik, Righetti, Said Bucher, Sax, Schneider, Spagnolatti, Tomaschett (Breil), Ulber, Zanetti (Sent), Zanetti Livio (Landquart), Zanetti Marion (Landquart)